



Sēn suud fāa yaa haraam

Yii a Abu Burda nengē, ti yii a baaba nengē, a Abu Muusa Al-aš'ariy nengē (Wënd yard be a yīnga) a yeelame: Tɪ ad Nabiyaamā (Wënd puɔsg la A tɪlgr be a yīnga) a tums-a lame n tug Yamane, t'a sok-a bōn-yūudi b sēn maan beenē, la a yeelre: yaa bōe? T'a yeele yaa: « Al-bit'ɔ la Al-mizr», la b soka a Abu Burda Bit'ɔ yaa bōe? La a yeelre: yaa sud kōgb, la Mizr yaa sa'ur ki kōgb», ti Nabiyaamā yeele: «Sēn suud fāa yaa haraam» a Al-Buhaariy n togs-a. La a Muslim togsa hadiisā la a gom-bilā, a yeelame: Wënd Tēn-tuumā (Wënd puɔsg la A tɪlgr be a yīnga) tuma maam la a Mu'aaz n tug Yamane, ti mam yeele: Wënd Tēn-tuumā! Ad bōn-yūudi la b maan tōnd tēngē wā, ti b boond-a ti Al-mizar la yaa sa'ur ki la b maan ne yē, la bōn-yūudi a to n be ti b boond-a ti Al-bit'ɔ, sēn yit sudē, t'a yeele: «Sēn suud fāa yaa haraam». La togsa a to n be a Muslim nengē: « t'a yeele: būmb fāa sēn su n yi Puɔsgā yē yaa haraam». La toagsa a to puḡē: «Wënd Tēn-tuumā rag n yume ti Wënd lok-a-la gom-tigimdi minim, t'a yeele: a ḡudgame n yi bōn-suudi fāa, sēn su ti f ka tōe n puɔse».

[رواه البخاري ومسلم] [Naṣuṇ Ṣaḡuḡun (Gom-sikdem sēn manege)]

A Abuu Muusa Al-aš'ariy kōta kibare (Wënd yard be a yīnga), ti Nabiyaamā (Wënd puɔsg la A tɪlgr be a yīnga) tum-a lame n tug Yamane, ti yē sok-a bōn-yūudi b sēn maand Yamane, t'a yaa haraam bu? Tɪ Nabiyaamā (Wënd puɔsg la A tɪlgr be a yīnga) sok-a a sēn yaa to-to. T'a Abuu Muusa Al-aš'ariy (Wënd yard be a yīnga) a yeele: ad b boond-a lame ti Al-bit'ɔ, sēn yaa sud kōgbo, la Al-mizr sēn yaa sa'ur ki kōgbo. Tɪ Nabiyaamā (Wënd puɔsg la A tɪlgr be a yīnga) yeele, la a ra yume ti Wënd kō-a-la goam-koes sēn tigime bāngre: «Sēn suud fāa yaa haraam».

<https://sunnah.global/hadeeth/mos/show/66536>

